



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

Ad Mindam Suam.

urn:nbn:de:hbz:466:1-44860

AD
MINDAM SUAM.

Sisto Viros ortu, factis, ex sanguine Claros,
fidos Pastores, Minda, Patresque Tuos.
Vitas, excessus, studia, & cujuslibet acta,
seu bona, vel mala sint, ordine dico tibi.
Ecce, tuas cunas, etates, arma Virosque,
en! tua fata, vel hæc dextra, sinistra sient.
Ecce togamque sagumque tuum, tua funera, cedes,
ecce tuas aras, claustra, scholasque tuas.
Te tibi, Minda, dabo: potes hinc te cernere totam,
&, velut in tabula, sacra, profana tua.
Purus amor, dulci patriæ quem debeo, fecit,
quod feci. Hoc signum candidi amoris erit.
Excussi veteres chartas, antiqua registra,
& quicquid docuit candida canities.
Nil finxi aut temerè scripsi: veniamque petenti,
si errans errantem duxerit, ipse dabis.
Pura mihi mens est, quam si quis temserit, annon
in nihilum totus *Busso* redactus erit?
Si dignus videar, lege: sin; fac tu meliora,
sum maneoq; tuus - - -

BUSSO WATENSTEDIUS.